

Headline	Dana Wakaf Ilmu bantu pelajar miskin		
MediaTitle	Harian Metro		
Date	03 Feb 2012	Color	Full Color
Section	Setempat	Circulation	324,097
Page No	L-47	Readership	1,981,000
Language	Malay	ArticleSize	134 cm ²
Journalist	N/A	AdValue	RM 3,853
Frequency	Daily	PR Value	RM 11,560



Dana Wakaf Ilmu bantu pelajar miskin

SERDANG: Universiti Putra Malaysia (UPM) dengan kerjasama Majlis Agama Islam Selangor (Mais) memperkenalkan Dana Wakaf Ilmu bagi membantu golongan tidak berkemampuan menyambung pelajaran ke peringkat lebih tinggi.

Naib Canselor UPM, Datuk Dr Radin Umar Radin Sohadi berkata, kemasukan jumlah penuntut baru yang semakin meningkat akan mewujudkan persaingan bererti peluang untuk pelajar mendapatkan biasiswa dan pinjaman semakin terhad.

Berikutan itu katanya, pelaksanaan dana itu wajar untuk membantu golongan kurang berkemampuan supaya tidak terus

tercicir.

“Dana ini membuka peluang kepada golongan sasaran khususnya yang berdepan kekangan kewangan untuk melanjutkan pelajaran ke institusi ini sekali gus membantu membangunkan tahap pendidikan lebih baik kelak.

“Pelaksanaan dana ini juga selaras penerimaan status autonomi diberikan Kementerian Pengajian Tinggi (KPT) kepada UPM bulan lalu yang mana pengurusan akademik serta pengambilan pelajar antara bidang yang dipertanggungjawabkan sepenuhnya kepada pihak pentadbiran universiti,” katanya ketika sidang media pada majlis menandatangani memorandum persefahaman (MoU) an-

tara UPM dan Mais, di sini, semalam.

Hadir sama, Pengerusi Mais, Datuk Mohamad Adzib Mohd Isa.

Menurutnya, menerusi kerjasama itu, pihaknya kini mempunyai kelulusan sah dari Mais sebagai institusi penerima wakaf selain menyediakan Skim Wakaf Tunai dan Skim Derma bagi warga UPM, orang ramai serta pihak korporat menyalurkan sumbangan mereka.

Katanya, wakaf ilmu itu antara inisiatif dilaksanakan universiti dalam menambah dana, membangunkan kapasiti dan sumber dimiliki bagi meningkatkan tahap pendidikan tinggi kepada pelajar dan pelanggan.